

Lesoni 1: Kena Vakarautaki ka Liutaki na Bose

Sa rawa mo vakavulica taucoke na lesoni oqo se wasei ira vakaleleka. Moica na lesoni me ganiti kemuni kei na gagadre, yabaki ni bula, kei na nodra kila vinaka na nomu kuoramu se mataveiliutaki ni kalasi.

E SURETI KEDA NA TURAGA ME DA COKONAKI KEDA

Wilika na [Vunau kei na Veiyalayalati 88:119](#). Veivosakitaka na sala e rawa ni vakayagataki na ivakasala ni Turaga mo “dou cokonaki kemudou” ena bose ni mataveiliutaki ni kuoramu kei na kalasi. Na cava eso na ka e rawa ni da cakava me tuvalaka na noda bose?

NA TUVANAKI NI BOSE ENA VUKEI KEDA ME DA COKONAKA KINA NA CAKACA NI TURAGA

Vukei ira na mataveiliutaki ni kuoramu se kalasi me ra vakalewena e dua na sabolo ni lewe ni [veivosaki](#) ena vakavakarau me baleta na nodra bose ni mataveiliutaki e tarava. Sa rawa mo ni veivosakitaka vata na taro eso oqo:

- Na cava e bibi kina me vakasamataki na taro eso me vakataka na kena ena sabolo ni lewe ni veivosaki?
- Na veisoqoni cava soti se itaviqaravi cava eda rawa ni vakavakarau kina ena sala oqo?
- E rawa vakacava me da sureta na Yalo Tabu me vukei keda ni da tuvanaka ka liutaka na bose?

Raica na [Moronai 6:9](#); [Vunau kei na Veiyalayalati 46:2](#).)

E rawa talega ni o sureti ira na lewe ni mataveiliutaki me ra vakarautaka e dua na lewe ni veivosaki me baleta na soqoni ni kuoramu se kalasi ka tarava e vakamura na ituvatuva sa vakarautaki tu ena veilesoni yadua ena [Lako Mai, Mo Muri Au—Me Baleta na Kuoramu ni Matabete i Eroni kei na Kalasi ni Goneyalewa](#). Sureti ira me ra vakasamataka na veika era veivosakitaka ena nodra bose ni mataveiliutaki ka gadrevi talega me veivosakitaki vata kei ira na lewe ni kuoramu kei na kalasi. Kevaka se vo na gauna, sa rawa mo sureti ira mera vakatovototaka e dua na bose mera vakayagataka e dua na lewe ni veivosaki era sa vakarautaka tu.

Ena so na gauna, o na vinakata beka mo veivosakitaka na nodra nanuma na lewe ni mataveiliutaki me baleta e dua na bose. Me tiki ni veivosaki oqo, sa rawa mo taroga na taro vakaqo:

- A rawati beka ena bose na veika eda a vinakata?
- Na cava eda a cakava me sureti kina na Yalotabu ki na noda bose? (Raica na [Vunau kei na Veiyalayalati 6:32](#).)
- Eda tovolea beka me da okati na tamata yadua?
- E rawa vakacava me da vakavinakataka?

IVUREVURE VEITOKONI

- *iVoladusidusi: Veiqaravi e Na Lotu i Jisu Karisito ni Yalododonu Edaidai*, [10.4](#), [11.3.4](#), ChurchofJesusChrist.org